

Oktober
2010Posbus 20
Hermanus 7200

	Telefoon	Faks
Hermanus	028 313 8000	028 312 1894
Gansbaai	028 384 8300	028 384 0241
Kleinmond	028 271 8400	028 271 4100
Stanford	028 341 8500	028 341 0445
24 Uur Beheerkamer Brandweer	028 313 8000/8111 028 312 2400	

Bulletin

Amptelike nuusbrieff van Munisipaliteit Overstrand

BURGEMEESTERSPAAR GROET NA VIER JAAR

Die leemte wat met die uitrede van Overstrand se Burgemeesterspaar, Theo en Marianné Beyleveldt, gelaat word, laat 'n mens skaars glo dat hulle net 'n bietjie meer as vier jaar in die tuig was.

In hierdie tyd het Theo sy merk gemaak as die dryfveer agter die groei en ontwikkeling wat met betrekking tot munisipale infrastruktuur in Overstrand gemaak is, terwyl Marianné met haar volgehoue gemeenskapsbetrokkenheid diep in almal se harte gekruip het.

Vandat Theo in 2006 tot die munisipale raad en as uitvoerende burgemeester verkies is, is daar meer as R740 miljoen in kapitale projekte ingeploeg, veral met betrekking tot die elektrifisering, watervoorsiening, rioleering en bestuur van vaste afval. Die wêreldseerste met die Nereda-rioolswaiveringsaanleg op Gansbaai en die uiteindelijke realisering van die Hermanus-verbypad sal lank

bybly. Die jaarlikse bedryfsbegroting het van R270 miljoen (2006/7) tot R708 miljoen (2010/11) gegroei, en daar het ook 'n aansienlike uitbreiding van personeel plaasgevind om dienslewering te bevorder. Die vermenigvuldigende impak wat dit op die plaaslike ekonomie gehad het, kan skaars bereken word.

Tog het hy en Marianné 'n ruim hart vir die behoeftiges gehad en is daar baanbrekerswerk met die versorging van pleegkinderen en voorskoolse opvoeding in Overstrand gedoen.

Theo is opgeroep om met ingang van Oktober vanjaar die Demokratiese Alliansie in die Nasionale Raad van Provinsies te gaan verteenwoordig en het sy ampte as Uitvoerende Burgemeester en proporsionele raadslid na afloop van die Raadsvergadering op 29 September 2010 ontruim.



Theo en Marianné Beyleveldt

Intussen het die Demokratiese Alliansie me Nicolette Guthrie-Botha, wat Theo as proporsionele verteenwoordiger in die Raad sal vervang, as sy voorkeurdokandaat vir die Burgemeestersverkiezing later in Oktober aangewys.

Theo en Marianné se tuisde bly steeds in Overstrand en hulle sal voortgaan om bydraes te lewer waar hulle kan.

GRONDWATER- PROJEK BIED GEMOEDSRUS

Met die reënval wat tot dusver vanjaar laer as normaal en die vlakke van damme wat nie na wense is nie, bied die vordering met die ontwikkeling van grondwater-boorgatvelde in die omgewing van Hermanus darem 'n mate van gemoedsrus.

Die jongste ontwikkeling is die boor van 'n nuwe moniteringsboorgat wat die bestaande meting-en-moniteringsstelsel van Munisipaliteit Overstrand se grondwaterprogram sal aanvul.

Grondwater kan beskryf word as water wat ondergronds in poreuse sanderige en skaliestrate asook in die barste en skeure van rotsformasies aangetref word. Waar grondwater in redelike hoeveelhede aangetref word, staan dit as 'n akwifer bekend.

Die Gateway-boorgatveld in Hermanus, wat tans jaarliks 1.6 miljoen kubieke meter grondwater van hoë gehalte lewer, is op 4 Mei vanjaar amptelik deur die grondwaterkonsultante Umvoto Africa aan Munisipaliteit Overstrand oorhandig. Die boorgatveld maak deel uit van die munisipaliteit se strategie om tegelyk nuwe waterbronne as deel van sy program vir waterbronnontwikkeling in te span en om sover moontlik bestaande watervoorrade te bewaar.

Umvoto Africa sal steeds die munisipaliteit met die bestuur en instandhouding van die boorgatveld ondersteun. 'n Grondwaterkundige verbonde aan Umvoto, Helen Seyler, het gesê dat daar reeds 'n aantal moniteringsboorgate in plek is. Sommige hiervan word gebruik om die diep Skiereiland-akwifer (waaruit die water getrek word) te moniteer, terwyl ander 'n boliggende vlak akwifer toets. Die nuwe moniteringsboorgat sal suid van 'n groot verskuiving geleë wees en sal bepaal of daar 'n aansluiting oor die verskuiving heen met die diep Skiereiland-akwifer is.



Munisipale Bestuurder Werner Zybrands en Stephen Muller, direkteur van Infrastruktuur en beplanning by die ingebruikneming van die nuwe herwinningsaanleg in Hermanus.

HERWINNINGSAAANLEG GEOPEN

Hermanus se ultramoderne herwinningsaanleg is op 12 Augustus 2010 deur die Burgemeester, rdl Theo Beyleveldt, in gebruik gestel.

Die aanleg wat oor 'n tydperk van twee jaar teen 'n koste van sowat R4 miljoen ontwikkel is, bied groot voordele ten opsigte van verbeterde werksomstandighede vir herwinningwerkers en besparing in die koste van die hantering van vaste afval.

Dit bestaan uit 'n herwinningsskuur wat teen R2 miljoen in die 2008/9 finansiële jaar opgerig is en 'n voerbandskonstruksie wat teen dieselfde koste in die 2009/10 finansiële jaar geïnstalleer is.

Die aanleg is die eindresultaat van 'n lang proses. Soos op meeste ander dorpe is herwinbare artikels in die verlede deur hoofsaaklik vroue by die ou stortingsterrein opgetel en aan 'n herwinningfirma verkoop.

Toe dié terrein toegemaak is, het die munisipaliteit

besef dat baie families sonder inkomste gaan wees. 'n Betonblad is by die oorlaastasie aangebring sodat die vrouens steeds deur die swart sakke kan gaan om bruikbare materiaal te herwin.

"Dit was nie die ideale situasie nie, want wanneer die wind gewaai het, het die papiere en plastieksakke rondgewaai," vertel Johan. Dit het toe tot die oprigting van die skuur gelei.

Die herwinningsaanleg word deur Walker Bay Recycling bestuur nadat hulle suksesvol getender het. Die tender bepaal onder meer dat werkers 'n minimum loon kry soos deur wetgewing bepaal.

Walker Bay Recycling het 'n jare lange werksvennootskap met Munisipaliteit Overstrand wat reeds sedert 1995 bestaan en gee baie goeie samewerking. Dit is belangrik vir 'n munisipaliteit om werksverhoudings met organisasies te vorm wat volhoubaar is, sê Van Taak.

OVERSTRAND WYKE HERAFGEBAKEN

Die herafbakening van wyke in Overstrand met die oog op die plaaslike verkiesings van 2011 is afgehandel en deur die Munisipale Afbakeningsraad bevestig. Besonderhede oor die nuwe wyke is op 19 Julie 2010 in die Provinsiale Koerant van die Wes-Kaap bekendgemaak.

Daar is reeds vroeër aangekondig dat die munisipale raad van Overstrand tot 25 lede vergroot gaan word. Tans is daar 19. Die aantal wyke word tot 13 vermeerder en die res sal proporsionele verteenwoordigers vir die onderskeie politieke partye wees.

Die belangrikste norm vir die bepaling van wyksgrense was om die getal kiesers deur die aantal wyke te deel. (Vir die eersgenoemde syfer is die getal geregistreerde kiesers soos op 12 Februarie 2009, naamlik 42 587, gebruik.) Die getal kiesers in elke wyk mag nie met meer as 15 persent van dié gemiddeld afwyk nie.

Meegaande kaart gee 'n aanduiding van hoe die wyke ingedeel is.

In Wyk 1 is daar 3 726 kiesers en die stemlokale is Gansbaai-gholfklub en Masakhane-gemeenskapsaal.

Wyk 2 het 3 349 kiesers en die stemlokale is Pretoriusaal en die munisipale kantore in Gansbaai. Sowaat 600 van die kiesers wat voorheen by die gholfklub gestem het, sal by een van dié lokale moet stem.

Wyk 3 het 3 289 kiesers en die stemlokale is Hermanus se munisipale kantore en die De Mond-woonwark.

Wyk 4 het 2 931 kiesers en die stemlokale is die Verkeerskantore in Hermanus, die skoolsaal van Mount Pleasant

Primêr en die Ertjiesvlei-kerksaal.

Wyk 5 het 2 799 kiesers waarvan 815 voorheen by die Qhayiya Sekondêre Skool en 554 by die Hou Moed-sentrum gestem het. Dié wyk se stemlokaal is die saal van die Kerk van Christus.

Wyk 6 het 3 621 kiesers en die stemlokale is Qhayiya Sekondêre Skool en die Lukhanyo Primêre Skool.

Wyk 7 bestaan uit 3 012 kiesers en hulle stem by die Sandbaai-saal.

Wyk 8 bevat 3 601 kiesers en die stemlokale is Hawston Sekondêre Skool, Lake Marina-bootklub en die plaas Honingklip.

Wyk 9 bevat 3 179 kiesers waarvan 400 voorheen by die Proteadorp-gemeenskapsaal en 50 by die Honingklip-plaas gestem het. Die stemlokaal is die Kleinmond-stadsaal.


Wyk 10 het 3 536 kiesers en die stemlokale is Crassula-gemeenskapsaal, Proteadorp-gemeenskapsaal en die Palmiet-woonwark.

Wyk 11 het 3 741 geregistreerde kiesers. Die stemlokale is Pearly Beach-ontspanningsaal, Stanford-gemeenskapsaal (Die Stoor), Strandveld-landbousaal, Viljoenshof NG Kerk en Withoogtekerksaal.

Wyk 12 het 2 785 kiesers en die stemlokaal is die Hou Moed-sentrum.

Wyk 13 het 3 018 kiesers en die stemlokale is die De Wet-saal en die Amanakonferensiesentrum.

Stemdistribusiegrense, stemlokale en die aantal kiesers per wyk kan nog gewysig word na gelang van hoe kiesers vir die munisipale verkiesing registreer wanneer die registrasieveldtog binnekort afskop.



MORELESTANDAARDEINISIATIEF



Drome en planne vir 'n beter toekoms

Overstrand se Tienerswangerskapforum, in samewerking met die Departemente van Onderwys en Gesondheid en alle organisasies wat by die verbetering van kinders se lewens betrokke is, het 'n projek van stapel gestuur met die titel "My Droom vir die Toekoms / My Dream for the Future".

Uit onlangse opnames het die Departement van Onderwys bevind dat slegs die helfte van die kinders wat vir graad 1 inskryf hul skoolonderlig tot op graad 12 voltooi. In Suid-Afrika sak gemiddeld 49% kinders uit, en in die Wes-Kaap staan hierdie syfer op 51%.

Daar is vasgestel dat kinders, veral dogters, wat nog op skool is en vir hulself 'n doel ('n droom) vir die toekoms gestel het, minder daartoe neig om alkohol en dwelms te misbruik of om seksueel betrokke en swanger te raak of met MIV besmet te word.

Die meeste skole in Overstrand neem aan die projek deel, en leerders vanaf graad 7 – 11 gaan hul drome in die vorm van prosa, poësie, visuele kunste, sang, dans en drama uitdruk. Skoolhoofde en onderwysers gaan leerders en hul ouers aanmoedig om drome en planne vir die toekoms te koester en sal hulle in verantwoordelike gedrag opvoed.

Kerke, godsdienslike organisasies en die Morelestandaarde-inisiatief gaan op waardes fokus wat gedrag verhoed wat toekomsdrome kan vernietig.

'n Konsert vir finaliste is op 17 September in die Sandbaaisaal gehou. Prosa, poësie en visuele kuns is ook uitgestal.

Om nadere besonderhede, kontak
Nelia Louw by 028 312 3885
of Ronel Mostert by 082 470 3975.



TWEE KONSERTE IN OKTOBER

OAK bied Overstrand se 'n musiekfees gedurende Oktober in die Hermanus-ouditorium. Op Vrydag die 22^{de}, speel Kobie du Plessis (Harp) en Thekla von Dombos (Hobo) van Duitsland werke van *Donizetti*, *Bochsa*, *Saint-Saens*, *Giuliani*, *Boccherini*, *Andres*, *Ravel*, *Salzedo* en *Granados*. Op Maandag die 25^{de}, speel die trio Daniel Rowland (Viool en Alt-viool) en Priya Mitchell (Viool), albei van die VK, en Pieter Jacobs (Klavier) werke van *Biber*, *Bartok*, *Schumann* en *Mozart*. Beide uitvoerings begin om 19:00. Bespreek vroegtydig by BELLINI by 028 312 4988. Kaartjies kos R80 en R40 vir studente. Skakel René du Plooy by 082 940 4238 vir enige verdere navrae.



DO YOU PREFER THIS NEWSLETTER IN ANOTHER OFFICIAL LANGUAGE? SMS your account number with E for English to 082 338 1631

UNGATHANDA LENCWADI YESAZISO-NDABA IBHALWE NGOLUNYE ULWIMI? Thumela i-SMS enenombolo ye-akhawunti yakho kunye no X omele isi Xhosa kule nombolo 082 338 1631

GIDS TOT GEMEENSCHAPSDIENSORGANISASIES

Die hoogs bruikbare Gids tot Gemeenskapsdiensorganisasies wat verlede jaar deur Munisipaliteit Overstrand in samewerking met die Hermanus-transformasievereniging uitgegee is, word tans bygewerk met die oog daarop om 'n hersiene weergawe vroeg volgende jaar te publiseer. Rig asseblief enige versoek vir insluiting, bywerkings of gewysigde besonderhede aan jb.lou@telkomsa.net of bulletin@overstrand.gov.za.